

اتوار 12 اکتوبر، 2025

مضمون۔ کیہ پاپ، بیماری تے موت اصلی نیں؟

سنہری متن: یوحنا 14 باب 12 آیت

”میں تہانوں سچ آکھداں پئی جیہڑا میرے اُتے ایمان رکھدا اے ایہہ کم جیہڑے میں کرداں اوہ وی کرے گا بلکہ ایہناں توں وی وڈھے کرے گا کیوں جے میں پپودے کول جاناواں۔“ — مسیح یسوع

جوابی پڑھائی: فلیپوں 2 باب 5 توں 7، 12 توں 15 آیتاں

5۔ اونج دا ای مزاج رکھو جیویں مسیح داسی۔

6۔ بھانویں اوہ رب دی صورت اُتے سی فیروی اوہنے رب دے برابر ہون نوں قبضے وچ رکھن والی شے نیں سمجھیا۔

7۔ بلکہ اپنے آپ نوں خالی کردتا تے خادم دی شکل لے لئی۔

12۔ ایس لئی، اے میرے پیارے! جیویں تو ہمیشہ توں فرمانبرداری کردا آیا ایں اوہ سے طراں ہن وی نہ صرف میرے ہندیال بلکہ میرے نہ ہندیال اوہدے توں وی بوہتا ڈردے تے کمبدے ہوئے اپنی مکتی دے کم کردے جاؤ۔

13۔ کیوں جے جیہڑا تہاڈے وچ نیت تے عمل دونواں نوں اپنے نیک ارادے نوں پورا کرن لئی پیدا کردا اے اوہ رب اے۔

14۔ سارے کم شکایت تے تکرار توں بغیر کریا کرو۔

15- تاں جو تسی بے عیب تے بھولے ہو کے ونگے تے کج رولو کاں وچ رب دے بے نقص بندے بنو۔

درسی وعظ

بائبل وچوں

1- متی 9 باب 35 آیت

35- تے یسوع سارے پنڈاں تے شہراں وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کردا تے ہر طراں دی کمزوری نوں دور کردارہیا۔

2- متی 10 باب 1، 5 (توں تیجی)، 8 آیات

1- فیراوہنے اپنے چیلیاں نوں کول بلا کے اوہناں نوں ناپاک روحاں اُتے اختیار دتا پئی اوہناں نوں کڈھن تے ہر طراں دی بیماری تے ہر طراں دی کمزوری نوں دور کرن۔

5- ایہناں بارہ نوں یسوع نے گھلیا تے اوہناں نوں حکم دے کے آکھیا۔

8- بیماراں نوں ٹھیک کرنا۔ مردیاں نوں جوانا۔ کوڑھیاں نوں پاک کرنا۔ بدروحاں نوں کڈھنا۔ مفت تسی پایامفت دینا۔

3۔ لوقا 4 باب 14، 31 توں 39 آیتاں

- 14۔ فیریسوع روح دی قوت نال بھریا ہو گیا گلیل وچ پرت کے آیتے چاروں پاسے اوہدی دھم مچ گئی۔
- 31۔ فیراوہ گلیل دے شہر کفر نحوم نوں گیتے سبت دے دن اوہناں نوں تعلیم دے رہیا سی۔
- 32۔ تے لوک اوہدی تعلیم توں حیران سی کیوں جے اوہدا کلام اختیار دے نال سی۔
- 33۔ تے عبادتخانے وچ اک بندہ سی جیدے وچ ناپاک دیودی اک روح سی اوہ بوہت اُچی آواز نال بولیا پئی۔
- 34۔ اے یسوع ناصری ساہنوں تیرے نال کیہ کم؟ کیہ تو ساہنوں ہلاک کرن لئی آیا ایس؟ میں تینوں جان دا آں پئی تو کون ایس۔ رب دا قدوس۔
- 35۔ یسوع نے اوہنوں جھڑک کے آکھیا چپ رہ تے اوہدے وچوں نکل جا۔ تے بد روح اوہدے اندروں اوہنوں مروڑ کے کجھ نقصان پہنچائے بغیر نکل گئی۔
- 36۔ تے سارے حیران ہو کے آپس وچ آکھن لگ پئے پئی ایہہ کینویں دا کلام اے؟ کیوں جے اوہ اختیار تے قدرت نال ناپاک روحاں نوں محکم دیندا اے تے اوہ نکل جانداں نیں۔
- 37۔ تے ہر پاسے اوہدی دھم مچ گئی۔
- 38۔ فیراوہ عبادتخانے وچوں اٹھ کے شمعون دے گھر وچ داخل ہو گیا تے شمعون دی سس نوں بڑا تپ چڑھیا سی تے اوہناں نے اوہدے لئی اوہدے توں عرض کیتی۔
- 39۔ اوہ کھلو کے اوہدے ول جھکیا تے تپ نوں جھڑکیا تے اوہ اتر گیا تے اوہ اوسے ویلے اٹھ کے اوہناں دی سیوا کرن لگ گئی۔

4۔ لوقا 5 باب 12، 13 آیتاں

- 12۔ جد اوہ شہر وچ سی تے ویکھو کوڑھ نال بھریا ہو نیا اک بندہ یسوع نوں ویکھ کے منہ بھرنے ڈگیا تے اوہدی منت کر کے آکھن لگیا اے خداوند! جے تُوں چاہو یں تے مینوں پاک صاف کر سکدا ایں۔
- 13۔ اوہنے ہتھ ودھا کے اوہنوں چھو نیا تے آکھیا پئی میں چاہنا واں پئی تُو پاک صاف ہو جاتے فوراً اوہ کوڑھ جاندار ہیا۔

5۔ لوقا 19 باب 1 توں 10 آیتاں

- 1۔ اوہ یریکو وچ وڑھ کے جارہا سی۔
- 2۔ تے ویکھو زکائی ناں دا اک بندہ سی جیہڑا محصول لین والیاں دا سردار تے دولتمند سی۔
- 3۔ اوہ یسوع نوں ویکھن دی کوشش کر داسی پر جتھے دے پاروں ویکھ نہیں سکد اسی۔ ایس لئی پئی اوہ اقد چھوٹا سی۔
- 4۔ ایس لئی اوہنوں ویکھن لئی آگے نس کے اک گولر دے رکھ اُتے چڑھ گیا کیوں جے اوہ اوہ سے راہ توں جان نوں سی۔
- 5۔ جدوں یسوع اوس تھاں تے اُپر یا تے اُتے نظر کر کے اوہنوں آکھیا اے زکائی جھیتی اُتر آ کیوں جے آج مینوں تیرے گھر رہنا ضرور اے۔
- 6۔ اوہ جھیتی اُتر کے خوشی نال اوہنوں اپنے گھر لے گیا۔
- 7۔ جدوں لوکاں نے ایہہ ویکھیا تے سارے بڑ بڑا کے آکھن لگے ایہہ تے اک پاپی بندے ول جا اُتریا۔
- 8۔ تے زکائی نے کھلو کے خداوند نوں آکھیا اے خداوند ویکھ میں اپنا آدھا مال غریباں نوں دینا واں تے جے کسے دا کجھ نہ حق لے لیا اے تے اوہنوں چار گنلاد اکرداں واں۔
- 9۔ یسوع نے اوہنوں آکھیا آج ایس گھر وچ مکتی آئی اے۔ ایس لئی پئی ایہہ وی ابرہام دا پتر اے۔

10- کیوں جے آدم دا پتر گواچے ہوئیاں نوں لبھن تے مکتی دین آیاے۔

6- لوقا 10 باب 1، 2، 17 توں 21 آیتاں

1- ایہناں گلاں توں بعد خداوند نے ستر بندے ہوو مقرر کیتے تے جیہڑے جیہڑے شہر تے تھاں نوں آپ جان والا سی او تھے اوہناں نوں دودو کر کے اپنے آگے گھلیا۔

2- تے اوہ اوہناں نوں آکھن لگیا پئی فصل تے بٹھیری اے پر مزدور گھٹ نیں ایس لئی فصل دے مالک دی منتد کرو پئی اپنی فصل وڈھن لئی مزدور گھلے۔

17- اوہ ستر خوش ہو کے فیر آئے تے آکھن لگے اے خداوند تیرے ناں توں بدر و حواں وی ساڈے ماتحت نیں۔

18- اوہنے اوہناں نوں آکھیا میں شیطان نوں بجلی وانگر آسمان توں ڈگدا ہوئیا ویکھ رہیاسی۔

19- ویکھو میں تہانوں اختیار دتا پئی سپاں تے کچھو نواں نوں کچلو تے ویری دی ساری طاقت اُتے غالب آوے تہانوں بالکل کسے شے توں نقصان نہ پہنچے گا۔

20- ایہدے توں خوش نہ ہوو و پئی روحاں تہاڈے ماتحت نیں بلکہ ایہدے توں خوش ہوو و پئی تہاڈے ناں آسمان اُتے لکھے ہوئے نیں۔

21- اوہسے ویلے اوہ روح پاک نال خوشی وچ بھر گیا تے آکھن لگیا پئی اے باپ آسمان تے دھرتی دے خداوند! میں تیری وڈیائی کرداواں پئی تُوں ایہہ گلاں سیانیاں تے عقلمنداں توں لکونییاں تے بالاں اُتے ظاہر کیتیاں۔ ہاں اے باپ کیوں جے تینوں ایہی پسند آیا۔

7- متی 28 باب 16 توں 20 آیتاں

16- تے گیارہ چیلے گلیل دے اوس پہاڑ اُتے گئے جیہڑا یسوع نے اوہناں لئی مقرر کیتا سی۔

17- تے اوہناں نے اوہنوں ویکھ کے سجدہ کیتا پر کنیاں نے شک کیتا۔

18- یسوع نے کول آکے اوہناں نال گلاں کیتیاں تے آکھیا پئی اسمان تے دھرتی داسارا اختیار مینوں دتا گیا اے۔

19- ایس لئی تسی جا کے ساریاں قوماں نوں چیلے بناؤ تے اوہناں نوں باپ تے بیٹے تے پاک روح دے نال توں پیتسمہ دو۔

20- تے اوہناں نوں ایہہ تعلیم دیو پئی اوہ ساریاں گلاں اُتے عمل کرن جنہاں دا میں تہانوں حکم دتا تے ویکھو میں جگ دے اخیر تیکر تہاڈے نال واں۔

سائنس تے صحت

1- 30-25:14

مادی حیاتی دے عقیدے تے سفنے توں بالکل وکھری، الہی حیاتی اے، جیہڑی روحانی فہم تے ساری دھرتی اُتے انسان دی حکمرانی دی سیان نوں ظاہر کر دی اے۔ ایہہ فہم غلطی نوں باہر کڈھدا اے تے بیمار نوں شفا دیندا اے، تے ایہدے نال تسی ”صاحب اختیار وانگر“ گل کر سگدے او۔

2- 10-6:395

اک وڈھے نمونے وانگر، روح نوں حساں دیاں جھوٹیاں گواہیاں اُتے حکومت کرن بیماری تے فانیت اُتے دعویاں نوں جتاؤن لئی آزاد کر دیاں ہوئے، شفا دین والے نوں بیماری دے نال گل کرنی چاہیدی اے کیوں جے اوہنوں اوہدے اُتے اختیار حاصل اے۔

3- 19:79 (یسوع)-22

یسوع نے اپنا کم آپ اک روح نال کیتا۔ اوہنے آکھیا: ”میرا پیو ہلے تیکر کم کردا اے، تے میں کم کرداواں۔“ جتھے تیکر انجیلاں توں سکھیا جاسکدا اے، اوہنے کدی بیماری دے بارے نہیں دسیا، بلکہ اوہنے بیماری نوں ٹھیک کیتا۔

4- 14:134 (انسان دے بنائے ہوئے)-20، 28-30

انسان دے بنائے ہوئے عقیدے زوال پذیر نیں۔ اوہ مصیبت وچ بوہتے مضبوط نہیں سی رہے۔ مسیح دی طاقت توں خالی، اوہ مسیح یا فضل دے معجزیاں بارے عقیدیاں نوں کیویں بیان کر سکدے نیں؟ مسیحی شفا دے امکان توں انکار ہر عنصر دی مسیحیت نوں کھولیندا اے، جنسے پہلی صدی وچ ایہنوں الہی قوت تے ایہہ حیران کرن والی تے بے مثال کامیابی بخشی سی۔

ایہتھے مادے دے مقابلے وچ روحانی قدرت دی برتری اُتے یقین رکھن دا الہی اختیار اے۔

5- 18:76 (دُکھ)-21

دُکھاں دے، پاپاں دے، مردہ عقیدے غیر اصلی نیں۔ جد الہی سائنس نوں عالمگیر طور تے سمجھیا جاند اے، تے انسان اُتے اوہناں دا کوئی اختیار نئیں ہووے گا، کیوں جے انسان لا فانی اے تے الہی اختیار دے راہیں جیوند اے۔

6- 26-13:430

میں اپنے پڑھن والیاں نوں الہی سیان دے قانون دی تے مادے تے حفظانِ صحت دے فرضی قانوناں دی تشریحی مثال پیش کیتی اے، ایہداں دی مثال جیدے وچ کر سچن سائنس دی التجا بیمار نوں شفا دیندی اے۔

فرض کرواک نفسیاتی مریض دائر اکل ہندا اے، جداں پئی عدالت وچ ٹرائل چلدے نیں۔ اک بندے اُتے جگہ دی شکایت لاؤن دا الزام لگدا اے۔ مریض بخار محسوس کردا اے، سوچدا اے، تے فیر ٹرائل شروع ہندا اے۔ ذاتی احساس مدعی اے۔ فانی انسان حفاظت کرن والا اے۔ ذاتی احساس لئی جھوٹا ایمان اٹارنی اے۔ فانی سیان، علم الدویہ، علم الاعضاء، حیاتی دال علم، علم نو میات، ساڑ، لالچ تے ناشکری، عدالت نوں بناؤندے نیں۔ عدالت دا کمرہ تماشا دیکھن والیاں نال بھریا ہندا اے، تے قاضی دوائی بیچ اُتے ہندی اے۔

7- 17-2:433 (جج)

قاضی دوائی اٹھدی اے، تے بڑی سنجیدگی نال فانی سیان دی عدالت نال خطاب کردی اے۔ اوہ جرم دا تجزیہ کردی اے، گواہی دا جائزہ لیندی اے، تے جگہ دی شکایت دے بارے قانون بیان کردی اے۔ ایہدے نتیجہ ایہہ اے پئی فطرت دے قانون بیماری داسر عام قتل کردے نیں۔ سخت فرض دی تعمیل وچ، کر سچن سائنس دی غیر مستحی صلاحواں نیں، عزت مآب، قاضی دوائی، عدالت اُتے زور دیندی اے پئی اوہ اپنے فیصلے نوں غیر مناسب طریقے نال

خراب نہ ہوون دین۔ جیسے حالات وچ عدالت نوں فانی انسان دے خلاف بس ذاتی احساس دے ثبوت اُتے دھیان دینا چاہیدا اے۔

جیویں جیویں قاضی اگے ودھ دی اے، قیدی نوں بے چینی ہندی جاندی اے۔ اوہدا مکھڑا خوف نال پیلا پین لگ جاند اے، تے موت دے ڈرتے مایوسی اوہدے مکھڑے اُتے آ جاندے نیں۔ مقدمہ عدالت نوں دتا جاند اے۔ اک تھوڑی جیہی صلاح نال نتیجہ سامنے آؤندا اے، تے عدالت ”پہلے مرحلے وچ ای جگر دی شکایت والے مجرم دا“ فیصلہ واپس لے لیندی اے۔

8- 24-17، 17-1:434

الٰہی محبت دے پراں تے بوہت تیز، ایہتھے اک مراسلہ آؤندا اے: ”پھانسی نوں روک دتا جائے، قیدی مجرم نیں اے۔“ قید خانے وچ حیرت دی لہر دوڑ جاندی اے۔ کوئی آکھدا اے، ”ایہہ قانون تے انصاف دے خلاف اے۔“ کئی آکھدے نیں، ”مسیح دی شریعت ساڈے قانوناں اُتے فوقیت رکھدی اے؛ آؤ مسیح دے مگر ٹریے۔“

کونسل دی سنجیدہ، پختہ نظراں، فتح تے اُمید دی لوجاؤندیاں ہوئے، اُتے ویکھدی اے۔ کر سچن سائنس اچانک اعلیٰ عدالت وچ بدل جاندی اے، تے مدعی لئی بحث شروع کردی اے:

عدالت وچ قیدی نوں نا انصافی دے نال سزا دتی گئی اے۔ اوہدی سزا اک المیہ سی تے اخلاقی طور تے غیر قانونی اے۔ فانی انسان دا ایس مقدمے وچ کوئی چنگا وکیل نیں سی۔

9- 35-28:435

فیر ایس مقدمے وچ عدالت، قاضی دوائی داکیہ دائرہ اختیار سی؟ بائبل دی بولی وچ میں اوہنوں آکھ سکداواں پئی، ”توں شریعت دے مطابق میرا انصاف کرن نوں بیٹھاں ایس تے کیہ شریعت دے خلاف جا کے مینوں مارن دا حکم دینا ایس؟“ صرف اک عدالت جیدے وچ قیدی نوں پیش کیتا جاسکدا اے اوہ سچیائی، حیاتی تے موت دی عدالت اے۔ جے اوہ اوہنوں سزائیں دیندے تے طبی جج وی سزائیں دیوے گا، تے میں قیدی لئی اوس بحالی دی منت کردا آں جیدے توں اوہ ناجائز طور تے محروم کر دتا گیا اے۔

10- 32-7:437

فیر اٹارنی، کر سچن سائنس، عدالت اعلیٰ ولوں قانونی کتاب، یعنی بائبل، وچوں انسانی حقوق دے کجھ اصول پڑھدی اے، تے ایہہ بیان واضح کردی اے پئی بلیک سٹون دی نسبت بائبل ای چنگا اختیار اے:

اسی انسان نوں اپنی صورت تے اپنی شبیہ وانگر بنائیے؛ تے اوہناں نوں اختیار دیئے۔

ویکھو میں تہانوں اختیار دتا۔۔۔ ساری قدرت اُتے غالب آؤ تے تہانوں بالکل کسے شے توں نقصان نہیں اپڑے گا۔

جے کوئی بندہ میرے کلام اُتے عمل کرے گا تے ہمیشہ تیکر کدی موت نوں نہ ویکھے گا۔

11- 33-4:440

ایہتھے وکیل دفاع مکا دیندا اے، تے اعلیٰ عدلیہ دا چیف جسٹس، شفقت دے نال تے اپنی موجودگی ظاہر کردیاں
ہوئے، سارے قانوناں تے شہادتیاں نوں سامنے رکھدیاں ہوئے اپنی قانونی کتاب، بائبل، وچوں بیان کردا اے پئی
کوئی وی نام نہاد قانون، جیہڑا سزا بلکہ گناہ کرن تے آمادہ کردا اے، اوہ خالی تے کھوکھلا اے۔

12- 15-5:442

روحانی حساں دی عدالت ایس حکم نال اتفاق کردی اے تے اوہتھے جتھے نال بھریا روحانی کمرہ گونج اٹھیا، بے قصور!
بے قصور!۔ فیر قیدی نوں جنم، طاقت تے آزادی دے نال اٹھدا اے۔ اسی غور کیتا جدوں اوہنے اپنی کونسل، کر سچن
سائنس دے نال ہتھ ملایا تے اوہدی ساری وچارگی تے کمزوری غائب ہو گئی سی۔ اوہدا بدن توند تے بااثر ہو
گیا، اوہدا مکھڑا صحت مند دی تے خوشی دے نال چمک اٹھیا۔ الہی محبت نے ڈر دور کردتا سی۔ مادی انسان، جیہڑا ہن بیمار
تے قیدی نہیں اے، ٹردا اے، اوہدے پیر ”پھاڑاں اُتے کیہ خوشنما“ نیں اوہدے وانگر ”جیہڑا خوشخبری لیاؤندا
اے۔“

13- 31-4:12

الہی سائنس وچ، جتھے دعا نواں ذہنی طور تے ہندییاں نیں، اوہ ساریاں اوس رب دے سامنے اڑدیاں نیں جیہڑا
”مصیبت وچ مستعد مددگار اے۔“ پیار اپنی موافقت تے اپنیاں نوازشاں وچ غیر جانبدار تے عالمگیر اے۔ ایہہ اوہ
کھلا چشمہ اے جیہڑا چمکدا اے پئی، ”اوہ، ہر اوہ بندہ جیہڑا تریا یا یاہ اے پانی دے کول آوے۔“

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔